



Broj: 02-11-4-3450-13/25
Datum: 01.12.2025.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14, 59/22 i 50/24), člana 34. stav (6) Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 44/23) i preporuke Komisije za nabavku municije za potrebe Uprave policije Ministarstva unutrašnjih poslova Kantona Sarajevo, imenovane Rješenjem broj: 02/5-1-30-1-3259 od 28.05.2025. godine, u postupku javne nabavke municije, putem ograničenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU **O IZBORU NAJPOVOLJNIJEG PONUĐAČA I DODJELI UGOVORA**

I

Prihvata se preporuka Komisije za nabavku municije za potrebe Uprave policije i ugovor za javnu nabavku municije za potrebe Uprave policije Ministarstva unutrašnjih poslova Kantona Sarajevo dodjeljuje ponuđaču:

- KM Trade d.o.o. Visoko i to za:
 - ✓ LOT 1 - Pištoljska municija 9 x 19 mm za ponuđenu cijenu od 89.000,00 KM bez PDV-a;
 - ✓ LOT 2 - Puščana municija 5,56 x 45 mm za ponuđenu cijenu od 2.126.486,00 KM bez PDV-a;
 - ✓ LOT 3 - Puščana municija 7,62 x 39 mm za ponuđenu cijenu od 159.600,00 KM bez PDV-a;
 - ✓ LOT 4 – Mitraljeska municija 7,62 x 51 mm za ponuđenu cijenu od 548.900,00 KM bez PDV-a;
 - ✓ LOT 5 - Snajperska municija 12,7 x 99 mm za ponuđenu cijenu od 60.305,00 KM bez PDV-a.

II

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru najpovoljnijeg ponuđača. Prijedlog ugovora o nabavci dostavit će se na potpis izabranom ponuđaču KM Trade d.o.o. Visoko za LOT 1, LOT 2, LOT 3, LOT 4 i LOT 5 po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

III

Izabrani ponuđač KM Trade d.o.o. Visoko dužan je da u roku od 5 (pet) dana od dana prijema ove odluke dostave dokaze navedene u tački 12.1. i 12.2. tenderske dokumentacije (I faza – pretkvalifikacije), a koje se odnose na član 45. stav (2) tačka od a) do d) Zakona o javnim

nabavkama i član 9. stav (2) i (3) Pravilnika o postupku dodjele ugovora u oblasti odbrane i sigurnosti.

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje zahtjeva za učešće.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-3450/25 od 10.06.2025. godine i Obavještenja o nabavci broj: 16475-2-1-64-3-93/25 od 11.06.2025. godine, proveden je postupak javne nabavke, putem ograničenog postupka, za nabavku municije za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-3450/25 od 30.10.2025. godine, za aktivno učešće u postupku dostavljene su ponude ponuđača za:

- LOT 1 – Pištoljska municija 9 x 19 mm – KM Trade d.o.o. Visoko i Danial S d.o.o. Tešanj;
- LOT 2 – Puščana municija 5,56 x 45 mm - KM Trade d.o.o. Visoko;
- LOT 3 – Puščana municija 7,62 x 39 mm - KM Trade d.o.o. Visoko;
- LOT 4 - Mitraljeska municija 7,62 x 51 mm - KM Trade d.o.o. Visoko;
- LOT 5 - Snajperska municija 12,7 x 99 mm - KM Trade d.o.o. Visoko i Danial S d.o.o. Tešanj.

Komisija za nabavku municije za potrebe Uprave policije Ministarstva unutrašnjih poslova Kantona Sarajevo (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-3450-12/25 od 28.11.2025. godine, kojim je utvrdila slijedeće:

- da je ponuda ponuđača Danial S d.o.o. Tešanj za LOT 1 i LOT 5 nepotpuna i ne ispunjava uslov iz tačke 8. Tenderske dokumentacije, obzirom da dostavljeni tehnički listovi/katalozi nisu ovjereni od strane proizvođača ponuđene municije, te se u skladu sa članom 68. st. (1) i (4) tačka i) Zakona o javnim nabavkama odbacuje.

- da ponuda ponuđača KM Trade d.o.o. Visoko za LOT 1, LOT 2, LOT 3, LOT 4 i LOT 5 sadrži sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjavaju sve zahtjeve Ugovornog organa.

Komisija je utvrdila da je u postupku podnesena samo jedna prihvatljiva ponuda ponuđača KM Trade d.o.o. Visoko za:

- LOT 1 – Pištoljska municija 9 x 19 mm u iznosu od 89.000,00 KM bez PDV-a;
 - LOT 2 – Puščana municija 5,56 x 45 mm u iznosu od 2.126.486,00 KM bez PDV-a;
 - LOT 3 - Puščana municija 7,62 x 39 mm u iznosu od 159.600,00 KM bez PDV-a;
 - LOT 4 - Mitraljeska municija 7,62 x 51 mm u iznosu od 548.900,00 KM bez PDV-a;
 - LOT 5 - Snajperska municija 12,7 x 99 mm u iznosu od 60.305,00 KM bez PDV-a;
- te shodno članu 4. stav (2) Pravilnika o uslovima i načinu korištenja e-Aukcije („Službeni glasnik BiH”, broj 80/23), u slučaju prijema jedne prihvatljive ponude e-aukcija se ne zakazuje.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispele ponude u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24), Zapisnikom o pregledu i ocjeni ponuda broj: 02-11-4-3450-12/25 od 28.11.2025. godine riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama („Službeni glasnik BiH“ broj: 39/14, 59/22 i 50/24).

POLICIJSKI KOMESAR
Generalni inspektor policije

Fatmir Hajdarević

Dostaviti:

1. Komisiji za nabavku municije
2. Ponuđač x2
3. Odjeljenju za odnose s javnošću, radi objave na web stranici ovog organa
4. a/a